

Raqamli iqtisodiyot va agrotexnologiyalar universiteti tomonidan tashkil etiladigan matematika fani bo'yicha olimpiadada ishtirok etish uchun ommaviy oferta shartnomasi

1. UMUMIY QOIDALAR

1.1. Ushbu ommaviy oferta shartnomasi (keyingi o'rinlarda – Shartnoma) O'zbekiston Respublikasi Fuqarolik kodeksining 358-moddasiga muvofiq “**RAQAMLI IQTISODIYOT VA AGROTEXNOLOGIYALAR UNIVERSITETI**” MCHJ (keyingi o'rinlarda – Universitet) O'zbekiston Respublikasidagi hududida joylashgan jismoniy har qanday jismoniy shaxsga yo'naltirilgan ommaviy oferta hisoblanadi va ushbu Shartnomani unda ko'rsatilgan shartlarda O'zbekiston Respublikasining butun hududida istisno va shartlarsiz qabul qilinadi.

1.2. Mazkur Shartnoma Universitet tomonidan O'zbekiston Respublikasi hududlaridagi barcha davlat va nodavlat umumiy o'rta ta'lim maktablari, akademik litsey va kasb-hunar maktablari bitiruvchi sinf o'quvchilari hamda 18 dan 20 yoshgacha bo'lgan yoshlar (keyingi o'rinlarda – Ishtirokchi) uchun matematika fanidan tashkil etiladigan olimpiadada ishtirok etish va unga qo'yilgan sovrinlarni qo'lga kiritish tartiblarini belgilaydi.

1.3. O'zbekiston Respublikasi Fuqarolik kodeksining 370-moddasi normalariga ko'ra, ushbu Shartnomani qabul qilish Shartnomada ko'rsatilgan shartlar bo'yicha yozma shartnoma tuzishga teng hisoblanadi. Keyinchalik matnda “Shartnoma”, “ushbu Shartnoma”, “Oferta”, “Ushbu oferta” atamalari bir xil ma'no ega.

1.4. Universitet ommaviy oferta shartlarini istalgan vaqtda o'z xohishiga ko'ra, ushbu Shartnomada belgilangan tartibda o'zgartirish huquqini o'zida saqlab qoladi. Ushbu Oferta shartlari Universitetga murojaat qilgan barcha shaxslar uchun bir xil. Universitet murojaatchini oldindan, belgilangan muddatlarda, bunday o'zgarishlar kuchga kirgunga qadar xabardor qilgan holda, ofertaning har qanday shartlarini/bandlarini Universitetning rasmiy veb-saytida va/yoki ijtimoiy tarmoqlardagi rasmiy sahifalarida e'lon joylashtirish yoki SMS-xabar berish orqali o'zgartirishga haqli.

2. ATAMALAR VA TA'RIFLAR

2.1. Ushbu ofertada quyidagi atama va ta'riflar qo'llaniladi:

2.1.1. Universitet – yuridik shaxs, O'zbekiston Respublikasi qonunchiligiga muvofiq tashkil etilgan “**RAQAMLI IQTISODIYOT VA AGROTEXNOLOGIYALAR UNIVERSITETI**” mas'uliyati cheklangan jamiyati bo'lib, O'zbekiston Respublikasi Oliy ta'lim, fan va innovatsiyalar vazirligi tomonidan 2024-yil 22-iyulda berilgan Oliy ta'lim xizmatlarini ko'rsatish bo'yicha 325388-sonli litsenziya asosida faoliyat yuritadi;

2.1.2. Ishtirokchi – O'zbekiston Respublikasi hududlaridagi barcha davlat va nodavlat umumiy o'rta ta'lim maktablari, akademik litsey va kasb-hunar maktablari bitiruvchi sinf o'quvchilari hamda 18 dan 20 yoshgacha bo'lgan yoshlar;

2.1.3. Oferta – shartnomaning barcha muhim shartlarini o'z ichiga olgan hujjat;

2.1.4. Aksept – har bir shaxsning ushbu Shartnomaga qo'shilish uchun harakatlarini amalga oshirish orqali ofertani to'liq/so'zsiz qabul qilish to'g'risidagi ongli javobi;

2.1.5. Rasmiy veb-sayt – Olimpiadaning 1bosqichi o‘tkaziladigan, internet tarmog‘ining <https://www.iq-math.uz/> manzilida joylashgan axborot resursi;

2.1.6. Shaxsiy kabinet – Olimpiadaning rasmiy veb-saytidagi Ishtirokchi tomonidan qabul qilingan xizmatlar hajmi va Shaxsiy kabinetning joriy holati to‘g‘risidagi statistik ma’lumotlarni o‘z ichiga olgan Ishtirokchining shaxsiy veb-sahifasi;

2.1.7. Ro‘yxatdan o‘tish – Ishtirokchi tomonidan shaxsiy kabinet (sahifa) yaratish uchun zarur bo‘lgan ma’lumotlarni taqdim etish tartibi va keyinchalik Olimpiadada ishtirok etish huquqini olish imkoniyati.

3. SHARTNOMA PREDMETI

3.1. Universitet matematika fani bo‘yicha olimpiadani bepul o‘tkazish majburiyatini o‘z zimmasiga oladi. Olimpiada natijalari bo‘yicha Ishtirokchilarga kerakli bo‘lgan ma’lumotlarni hamda Ishtirokchi g‘oliblikni qo‘lga kiritgan taqdirda, sovrinlarni taqdim etilishini kafolatlaydi. Ishtirokchi esa mazkur Olimpiadada ishtirok etish uchun rasmiy veb-saytdan ro‘yxatdan o‘tish va zarur ma’lumotlarni taqdim etish majburiyatini oladi.

3.2. Ushbu shartnomani tuzish maqsadida Ishtirokchi Universitetga quyidagi hujjatlarni taqdim etishga majbur:

3.2.1. Rasmiy veb-saytdan ro‘yxatdan o‘tish;

3.2.2. Shaxsini tasdiqlovchi (pasport/ID yoki tug‘ilganlik haqida guvohnoma) ma’lumotlarni taqdim etish;

3.2.3. Agar Ishtirokchi umumta’lim maktabini bitirgan bo‘lsa, biron-bir oliy ta’lim muassasasi yoki tashkiloti talabasi bo‘lmagligi shart.

3.3. Ushbu oferta O‘zbekiston Respublikasi fuqarolik kodeksining 358-, 370-moddalariga muvofiq, Ishtirokchi tomonidan shartnomaning rasmiy veb-saytda qabul qilish tugma (Oferta aksepti) sini bosgan paytdan boshlab kuchga kiradi.

3.4. Ishtirokchi rasmiy veb-saytdan ro‘yxatdan o‘tish vaqtida to‘liq F.I.Sh. (shaxsini tasdiqlovchi hujjatga muvofiq) ko‘rsatishi shart.

3.5. Universitet oferta shartlarini o‘zgartirish yoki istalgan vaqtda bekor qilish huquqiga ega. Oferta shartlariga kiritilgan o‘zgartirishlar rasmiy veb-saytda e’lon qilingan vaqtdan boshlab amalga kiritiladi. Ushbu o‘zgartirishlar, ular rasmiy saytda joylashtirilgunga qadar shartnoma tuzgan shaxslar uchun amal qilmaydi.

4. UNIVERSITETNING MAJBURIYATLARI VA HUQUQLARI

4.1. Universitet Ishtirokchini test sinovi o‘tkaziladigan sana, joy (manzil) va vaqt haqida kamida 3 (uch) kalendar kun oldin xabardor qilishi shart. Bunday xabarnomalar Universitet hamda Olimpiada rasmiy veb-sayti, ijtimoiy tarmoqlardagi rasmiy sahifalari yoki Ishtirokchining shaxsan murojaati orqali yetkazilishi mumkin.

4.2. Universitet Olimpiadaning birinchi bosqichini “IQ-MATH” (<https://www.iq-math.uz/>) elektron ta’lim platformasida o‘tkazish hamda ishtirokchining umumiy reytingdagi o‘rnini aniqlash uchun javoblarni tekshirish majburiyatini oladi.

4.3. Olimpiada o‘tkazilgandan keyin 1 (bir) oy muddatdan kechiktirmasdan Ishtirokchiga olimpiadaning ikkinchi bosqichida ishtirok etish huquqini kiritganligini tasdiqlovchi SMS-xabar taqdim etishi yoki rasmiy veb-saytdagi shaxsiy kabinetiga xabar yuborishi lozim.

4.4. Olimpiadani o'tkazish jarayonida Ishtirokchida paydo bo'lgan savollar bo'yicha maslahatlar berish.

4.5. Ishtirokchilar tomonidan rasmiy veb-sahifaga kiritgan shaxsiy ma'lumotlarini uchinchi shaxslarga taqdim etmaslik.

4.6. Universitetning huquqlari:

4.6.1. Olimpiada Nizomining talablarini buzgan ishtirokchini olimpiadaga qo'ymaslik;

4.6.2. Ushbu shartnomaning talablarini bajarmagan, ya'ni kerakli hujjatlarni taqdim etmagan ishtirokchini olimpiadaga qo'ymaslik;

4.6.3. Olimpiada o'tkaziladigan sanani, shuningdek uning vaqtini va joyini (O'zbekiston Respublikasi hududida) o'zgartirish. Bu haqda ishtirokchilarga kamida 3 (uch) kun oldin xabar berish;

4.6.4. Ishtirokchilarning rasmiy veb-saytda ro'yxatdan o'tish davomida kiritgan shaxsiy ma'lumotlarini Universitetning salohiyatli abituriyentlar ma'lumot bazasiga kiritish hamda ushbu ma'lumotlarni, Ishtirokchini Universitetga jalb qilish maqsadida qayta ishlash;

5. ISHTIROKCHINING MAJBURIYATLARI VA HUQUQLARI

5.1. Ishtirokchining majburiyatlari:

5.1.1. Ushbu shartnoma va Olimpiadani o'tkazish to'g'risidagi Nizom bilan tanishish;

5.1.2. Olimpiadada ishtirok etish uchun shartnomada belgilangan zarur hujjatlarni taqdim etish;

5.1.3. Olimpiadada ishtirok etish uchun topshiriqlarni Universitet tomonidan ko'rsatilgan sana va vaqtda bajarilishini ta'minlash;

5.1.4. Olimpiada jarayoniga yoki natijasiga ta'sir qilishi mumkin bo'lgan har qanday omillar haqida Universitetni olimpiadadan 3 ish kuni oldin xabardor qilish;

5.1.5. Agar Olimpiada o'tkazilish sanasi, joyi va vaqti haqida 3 kalendar kun oldin ma'lumot berilmagan bo'lsa, Universitetga murojaat qilib, tegishli ma'lumotni olish;

5.1.6. Topshiriqlarni bajarish vaqtida belgilangan qoidalarga rioya qilish;

5.1.7. Olimpiada natijalarini o'zgartirish imkoniyatini yaratuvchi, rasmiy veb-saytda ishlashga xalaqit beradigan dasturiy ta'minotdan foydalanmaslik. Bunday holatlar aniqlanganda ushbu urinishlarni amalga oshirgan ishtirokchi Olimpiadada ishtirok etish huquqidan mahrum qilinadi;

5.1.8. Agar Olimpiada jarayonida uning to'g'ri tashkil qilinishiga to'sqinlik qiladigan, bezovta qiluvchi holatlar yuz bersa, bu haqda Olimpiada yakuniga yetgach, Olimpiada o'tkazilgan joyda yozma ravishda Universitetga xabar berish.

5.2. Ishtirokchining huquqlari:

5.2.1. Universitetdan shartnomada ko'rsatilgan talablarning bajarilishini talab qilish.

6. OLIMPIADA BOSQICHLARI

6.1. Birinchi bosqich 2025-yilning 1-apreldan 10-aprelgacha bo'lgan oraliqda "www.iq-math.uz" rasmiy veb-saytida saytida onlayn shaklda o'tkaziladi. Har bir

ishtirokchiga 30 ta test savoli, ishlash uchun 60 daqiqa vaqt beriladi. Eng yuqori ball to'plagan 500 nafar ishtirokchi ikkinchi bosqichga yo'llanmani qo'lga kiritadi.

6.2. Ikkinchi bosqich Universitet binosida Ishtirokchilarning bevosita ishtirokida tashkil etiladi. Ushbu bosqichda Ishtirokchilarga ishlash uchun 5 ta masala beriladi, umumiy vaqt — 90 daqiqani tashkil etadi. Har bir to'g'ri yechilgan masala uchun maksimal 20 balldan beriladi, umumiy — 100 ballgacha baholanadi. Ishtirokchilar to'plagan ballar teng bo'lib qolgan taqdirda, qo'shimcha 3 ta savol beriladi va eng yuqori ball to'plagan hamda birinchi javob bergan ishtirokchi g'oliblikni qo'lga kiritadi. G'oliblar imtihon jarayonlari yakunlanganidan so'ng 3 kun ichida ma'lum qilinadi. G'oliblar ro'yxati "www.iq-math.uz", "www.udea.uz" saytlarida va ijtimoiy tarmoqlardagi rasmiy sahifalarda e'lon qilinadi.

7. OLIMPIADADA ISHTIROK ETISH TARTIBI

7.1. Olimpiadada O'zbekiston Respublikasidagi barcha davlat va nodavlat maktablari, akademik litseylar va kasb-hunar maktablari bitiruvchilari, shuningdek, 18 yoshdan 20 yoshgacha bo'lgan yoshlar ishtirok etishi mumkin. Oliy ta'lim muassasalari talabalari bundan mustasno.

7.2. Testda ishtirok etish istagidagilar "www.iq-math.uz" saytida 2025-yil 10-fevraldan 20-mart sanasigacha ro'yxatdan o'tgan bo'lishlari talab etiladi. Shu muddat tugagandan so'ng saytdan ro'yxatdan o'tish yopiladi. Ro'yxatdan o'tishga ulgurmagan o'quvchilar test jarayonlarida ishtirok eta olmaydilar.

7.3. Saytdan ro'yxatdan o'tish jarayonida kiritilgan shaxsiy ma'lumotlar (F.I.Sh) pasport (ID) yoki tug'ilganlik haqidagi guvohnoma bilan bir xil bo'lishi shart. Aks holda ikkinchi bosqichga to'plagan ballari bo'yicha tavsiya etilgan bo'lsa-da qatnashish imkoniyatiga ega bo'lmaydi, ikkinchi bosqichda ishtirok etmaydi.

7.4. Ikkinchi bosqichga tavsiya etilganlik to'g'risidagi xabarni 2025-yilning 13-apreligacha bo'lgan vaqtda "www.iq-math.uz" saytida foydalanuvchi sahifasida va SMS-xabar shaklida olishi mumkin.

7.5. Ikkinchi bosqichga ishtirokchilar o'z shaxsini tasdiqlovchi hujjatlari (Pasport (ID) yoki tug'ilganlik haqidagi guvohnoma) bilan kelishlari talab etiladi. Hujjatsiz ishtirokchilar test jarayonlariga qo'yilmaydi.

7.6. Ikkinchi bosqichda ishtirok etuvchilar sayohat, yashash va ovqatlanish xarajatlarini o'zlari qoplaydilar (Tashkilotchilar ishtirokchilarning shaxsiy xarajatlarini o'z bo'yniga olmaydi).

7.7. Sovrinlar barcha bosqichlardan muvaffaqiyatli o'tgan sovrinli o'rinlar bo'yicha ishtirokchilarga taqdim etiladi.

8. OLIMPIADADAN CHETLASHTIRISH TARTIBI

8.1. Agar ishtirokchilar quyidagi harakatlarni sodir etganligi aniqlansa, ular Olimpiadadan chetlashtiriladi:

8.1.1. Universitet/Tashkiliy qo'mita faoliyatiga to'sqinlik qilsa;

8.1.2. Rasmiy veb-sayt faoliyatiga xalaqit bersa;

8.1.3. Olimpiada doirasida arizada ko'rsatilmagan ishtirokchi bo'lsa;

8.1.4. O'z xohishi bilan Olimpiadada ishtirok etishni davom ettirishdan voz kechsa;

8.1.5. Olimpiada shartlarini buzsa, ta'qiqlangan narsalardan foydalansa;

8.1.6. Olimpiadada ishtirokchining saytdan ro'yxatdan o'tkazgan hujjatlari olimpiadaning keyingi bosqichlari uchun taqdim etilgan hujjatlarga mos kelmasa yoki turli shubhali holatlarga sabab bo'lsa;

8.1.7. Mazkur Oferta talablariga rioya qilinmasa.

8.2. Ishtirokchining Olimpiadadan chetlashtirish masalasini Tashkiliy qo'mita hal etadi.

9. FORS-MAJOR

9.1. Agar moliyaviy holatlar, fors-major holatlari (suv toshqini, yong'in, bo'ron yoki boshqa tabiiy ofatlar, shuningdek, harbiy harakatlar natijasida yuzaga kelgan bo'lsa, davlat organlarining qarorlari bilan va Universitetga ga bog'liq bo'lmagan holatlar) vujudga kelsa Tashkiliy qo'mita ushbu Oferta bo'yicha majburiyatlarni qisman yoki to'liq bajarmaganlik uchun javobgarlikdan ozod qilinadi. Ushbu holatlar vujudga kelgan kundan boshlab 10 ish kuni ichida bu haqida ishtirokchilarga Universitet hamda Olimpiadaning rasmiy veb-sayti, ijtimoiy tarmoqlardagi sahifalari orqali e'lon qilinadi.

10. NIZOLARNI HAL ETISH VA TOMONLARNING JAVOBGARLIGI

10.1. Ushbu shartnoma bo'yicha barcha nizolar va kelishmovchiliklar tomonlar o'rtasida muzokaralar va rasmiy da'volar orqali hal etiladi. Agar kelishmovchiliklar muzokaralar yo'li bilan hal etilmasa, ular O'zbekiston Respublikasining amaldagi qonunchiligiga muvofiq hal qilinadi.

11. MAXFIYLIK

11.1. Tomonlar ushbu shartnomani bajarish jarayonida olingan ma'lumotlarning maxfiyligini saqlash majburiyatini oladi. Maxfiylik talablari qasddan yoki tasodifan buzilgan taqdirda, tomonlar buning oqibatlari uchun javobgar hisoblanadi.

11.2. Shartnomaga muvofiq maxfiy hisoblangan ma'lumotlarni uchinchi shaxslarga berish yoki oshkor etish faqat ikkinchi tomonning yozma roziligi bilan amalga oshirilishi mumkin. Amaldagi qonunchilikda majburiy ma'lumot taqdim etish talab qilingan holatlar bundan mustasno.

12. SHARTNOMANING AMAL QILISH MUDDATI

12.1. Ushbu shartnoma Olimpiadada ishtirok etish uchun Ishtirokchi tomonidan mazkur shartnomani qabul qilgan kundan boshlab kuchga kiradi va tomonlar o'z majburiyatlarini to'liq bajarguniga qadar amal qiladi.